



**Puisit amiinik tunisassiornerup qanoq siuarsarneqarsinnaanera kiisalu suut qanorlu iliuitsit seriapput tamakkerlugu puisit amiinik tunioraanerup siunissami qaffasissumiittuarnissaanut iluaqutaasinnaanerat pillugu apeqquteqaat aallaavigalugu oqallinnissamik siunnersuut.**

(Inatsisartunut ilaasortaq Lars Poulsen, Siumut)

**Qanoq iliornikkut puiserpassuit pisarineqartartut amiiginnariarlugit ilivitsuutillugit imaanut eqqaannarneqartartut pinaveersaartissinnaaneri pillugit apeqquteqaat aallaavigalugu oqallisissiasatut siunnersuut.**

(Inatsisartunut ilaasortaq Siverth K. Heilmann, Atassut)

Qujanaq Inatsisartunut ilaasortanut Lars Poulsen, Siumut aamma Siverth K. Heilmann, Atassut oqallisissiat pingaaruteqartut saqqummiunnerannut.

Oqallisissiat tamarmik puisinut tunngassuteqarput, aammali assigiinngitsuullutik. Aappaa pingaarnertut puisit amiisa tunisaanerannut tunngavoq, aappaatalu ukkataralugu, qanoq ililluta sapinngisamik puisit tamakkerlugu atorluarsinnaaneripput taamaaliornikkullu puisit pisagut, atorluarlugit.

Puisit amiisa tunisaanerannut tunngatillugu, Demokraatit isumaqarput, inuutissaarsiut sapinngisamik ingerlanneqassasoq, politikkikkut akuliuffigineqanngitsumik. Tassa ima isumaqarpoq, Great Greenlandip, piniartut tunitsivinnilu sulisut pissutsit eqqortut isumaqatigiissutigissagaat. Politikkikkut soorlu assersuutigalugu Great Greenland piumaffigigaluarutsigu aalajangersimasunik akeqartitsissasoq imaluunniit sinerissami amernik tunitsiviit namminneq pigissagaat, niuernerlutik akornusersuilluta akuliutissaagut. Aamma pingunerisinnaassagaa, taassuma kingorna Great Greenland-imut ukiumoortumik tapiissutitta qaffattariaqarnera. Nunatta karsia tassalu akileraartartut aningaasaliiteqqinniarutsigit, niuernerlutik piumasaqaatinut politikkikkut akuliunnaannarluta, Demokraatinik isumaqarput tamanna eqqortumik aqutissaanngitsoq. Akerlianik inuutissarsiummi ingerlatsisut nammineerlutik aalajangiisittariaqarput, piumasaqaatit suut, inuutissarsiuanni atuutsinneqassanersut.

Puisip tamakkerluni atorluarniarnissanut tunngatillugu, siunnersuuteqartup isumaqaanut isumaqataasorujussuuvugut neriuppugullu, oqallinnerup uuma puisip tamakkerlugu qanoq atorluarneqarsinnaanerannut siunnersuutinik isumassarsianillu pitsaasunik kinguneqarumaartoq. Immaqa annertunerusumik isumaqatigiissusiortoqartarsinnaavoq, suliffeqarfinni, utoqqaat illuini, peqqissaavinni kantiinani allanilu puisit neqaasa tunniunneqartarnissaannik. Imaassinnaavormi kingunerigaa, siunissami nunanit allanit neqinik tikisitsisarneq annikillisinneqarsinnaasoq. Periarfissaq alla unaassinnaavoq puisip qimminut nerisassiasatut suliarineqarnera, soorlu siunnersuuteqartup nammineerluni eqqaagaa. Tamanna piffiit ilaanni ingerlanneqalereersimasooq soorlu assersuutigalugu Nunatta Kujataani.

Demokraatit oqallinnissamut qilanaarput siunnersuutinullu pitsaasunut suleqataanissatsinnut piareersimalluta, tunngavioq una aallaaviujuassappat, ulluinnarni puisinniartartunut nunaqqatitsinnut



iliaqutaassasoq. Tassungalu ilutigalugu, nunatta karsianut inuiaqatigiillu sinnerinut aningaasartuutaqqinnani.

Tassalu Demokraatit oqallinnermut isummersuutigigallagaat.